

Psdka Tmalang Ka Kuluk Ni Sbirat

Kana ita mnswayi, embiyax namu kana! Spgun mu hini sayang o pnengalan kari knlangan Isow, kari nii o wada dhuq smbix bi rmngaw quri sjiqun, qulung psparu lnglungan na ka seejiq o ida mha sdgiyal psbilaq lnglungan seejiq.

Pusu balay kari spgun mu hini sayang o psdka tmalang ka kuluk ni sbirat. sbirat o smbilaq bi qmita likaw nksa kuluk, psparu bi rmngaw quri kuluk kdjiyax, “ qndhyaqan pnstrilan kingal qatar tnlaman mu o ida bi yaa tru iyax tuki ksaun su ” sun na smbilaq rmngaw.

Ini balay spar qmita hyaan ka kuluk, kiya ni psdka ta tmalang sbirat msa lmnglung ni tai ta ima ka ini biyaw dhuq nhdaan tlaman msa. prajing bi psdka tmalang siida do embiyax balay mquri brah tmalang ka sbirat, asi na pxali peeni bukuy gaying bi ka kuluk. kuluk o paah bukuy ida saw ksa niya bi mknhuway mkarang.

Balay bi mslikaw tlaman ka sbirat, dha kuluk o wada aji hmut kulaw gaying ka qnthyaqan niya, ini qbsiyaq do wada na asi plaxi bukuy gaying ka kuluk da. psbrinah qmita bukuy ka sbirat ni ini na qtai ka kuluk do lmnglung ka hiya, “ sbaangay ku cicih siyaw elug han, ida aji empskla likaw mu ka kuluk ” msa. Sbirat o ini balay pslibun ni bi sdahar tasil ptunux “ nguq! Nguq! ” msa wada aji hmut suyang tnaqi na ka sbirat da.

Ana yaa mknhuway bi ka kuluk, kiya ni ini bi daw, mquri brah embiyax balay mkarang bi ini sqquwaq ni dmungus elug dhqan mksa. kiya ni wada na asi dhqi mksa kana ka elug ksaan, dhqan na ka nhdaan bi tlaman da.

Kiya ni wada mttuku bi tnaqi niya ka sbirat do mtutuy nhari paah tnqian na ni mquri brah tmalang duri, ‘ida ku na aji sklaun ka kuluk, ida yaku ka emplealay bi dhuq dhqan’ msa lmnglung. Dhuq balay nhdaan tlaman ka sbirat do, jima nii plealay dhuq ka kuluk ni tmaus quri sbratan, ‘jima ku nii plealay dhuq ka yaku da’ msa. qmita ka sbirat siida do aji bi hmut kluwi niya ni ini rngaw ana kingal kari da.

Kana ita mnswayi, lnglung binaw! kuluk ka psdka tmalang dha sbirat o hmuya ma wada dmgiyal? ita seejiq uri o mdka saw nii, iya ta psparu, ana manu euda o psbilaq bi lnglungan ta, kdrumut ta balay matas ni qmeepah uri, quri pnegluban ta sjiqun o psblaiq ta ni pggealu ta balay, kika mha malu ka knsan ta babaw dxgal, niqan kingal jiyax ida su dhqun mangal ka dngusun su.

106 年全國語文競賽原住民族語朗讀【太魯閣語】 高中學生組 編號 4 號
龜兔賽跑

今天我要讀的主題是龜兔賽跑。兔子很瞧不起烏龜走路的速度，常常很驕傲地對烏龜瞧不起說：「我跑一步的距離，你大概要爬上三個小時吧！」烏龜對牠很不以為然，牠決定要和兔子比賽，看誰先跑到終點。比賽一開始時，兔子很努力地往前跑，不久就把烏龜甩在後頭，烏龜在後面慢慢地爬就像牠爬的速度很慢一樣。兔子真的跑得很快，跟烏龜差的非常遠，不久牠把烏龜甩的很遠。當兔子回頭看不見烏龜時，牠心想：「我先在路旁躺一下，這隻烏龜一定趕不上我的速度！」兔子就很放心地靠在石頭邊呼！呼！兔子睡的非常好。烏龜雖然慢，但一點也不偷懶，牠努力地爬呀爬，不作聲朝著終點的路走，牠終於走到終點。

當兔子睡夠了趕快從睡的地方醒來又往前跑，牠心想：「烏龜一定會趕不上我，先達到終點的一定是我。」當兔子趕到終點時，烏龜早已站在終點向兔子打招呼呢！牠說：「我已經先抵達終點了。」兔子看到就非常驚奇，一句話也不說。

親愛的弟兄姐妹，想一想烏龜和兔子賽跑，為什麼會贏？我們做人也是一樣，不要驕傲，任何事都要謙卑，要認真讀書及工作，對人的關係要和睦、互愛，這樣我們在世的生活就會良好...